



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

Հրատարակութիւն Սարգիս Փանեանցի

Յ. Բ Ե Բ Ե Խ Ե Ն Ե Ե Ն .

5985

# „ԶԻՐՎԱՆԻ ԽԱՆԸ“

(պատմական դրոյց)

Տպարան Ն. Երեւանցեանի

Բ Ա Գ Ո Ւ .

1904.

891.99

Բ-12

БИБЛИОТЕКА  
ИНСТИТУТА  
ВОСТОКОВЕДЕНИЯ  
Академия Наук  
СССР

Վրս  
985

01 JAN 2009  
06 DEC 2004

Հրատարակողը Մարգիս Փակեանց/

891.09  
P-12  
Յ. ԲԵՐԵՆԵՆԵՆ.

«ՋԻՐՎԱՆԻ ԽԱՆՔ»

(պատմական զրոյց)

БИБЛИОТЕКА  
ИНСТИТУТА  
ВОСТОКОВЕДЕНИЯ  
Академии Наук  
СССР

Տպարան Ն. Երեւանցեանի

ԲՍ.Գ.ՈՒ.  
1904

FEB 2013  
330 00

22640



Ա.

# ՂԻՐՎԱՆԻ ԽԱՆԸ.

(պատմական գրոյց):

Дозволено Цензурою 4 Сентября 1903 г. Тифлисъ.

1795 թուին զարնանային մի գեղեցիկ երեկոյեան, Ղիրվանի Մուստաֆայ-խանը, զգեստաւորուած նստած էր իւր շքեղաշուք ապարանքի սրահում:

Խորասանի թանգազին թասըէհը ծեռքին խաղացնելով, նա ինքնաբաւական դէմքով հրճուած էր իւր առաջ բացուած դալարուն բոյսերով ծաղկած պարտէզը դիտելով:

Այդ պահուն, նրա բազմաթիւ ծառաներից մինը մօտեցաւ խանին և ասաց:

— Մեծափառ խան, քաղաքի հայ քահանաներից մինը կամենում է ներկայանալ Ձերդ մեծութեանը:

Հրաւիրեցէր ներս, պատասխանեց խանը մի առանձին բաւականութեամբ:

Ծառան անմիջապէս հեռացաւ, իսկ խանը տեղից կանգնելով առաջ դնաց դէպի պալատի



60970-67

մուտքը, որտեղից պէտք է ընդունէր հայ կրօնա-  
ւորին:

Սկսած այն օրից, երբ Մուստաֆա խանը իւր  
իշխանութիւնը ժառանգելով պապերից, վայելում էր  
ինքնակամ իշխանութիւնը ամբողջ Զիրփանի գաւառ-  
ում. այդ օրից սկսած նա մի առանձին խնամք էր  
տանում այն բոլոր հայերին, որոնք գտնուում էին նորա  
իշխանութեան ներքոյ. մանաւանդ զէպի հայ հոգե-  
ւորականներին, որոնց նա վերաբերւում էր ամենայն  
յարգանքով:

Միայն վերջին ժամանակներում, (1797 թուա-  
կանին) երբ ռսները տիրեցին կովկասը, այդ  
ժամանակ խանը իրան վիրաւորուած համարելով  
տեղացի հայերից սկսեց հալածել նրանց:

Մի քանի բռնակցից յետոյ քահանան խանի հետ  
միասին գտնուում էին պարսկական ճաշակով զարդար-  
ուած շքեղ սենեակներից մէկում:

Սովորական հարց ու բարկից յետոյ, նրանք մի  
փոքր խօսակցեցին, և յետոյ վեր կացան դուրս եկան  
միասին պարտէզը փոքր ինչ շրջելու, ուստի մի քանի  
պտոյտներ անելուց յետոյ, նրանք նստեցին մի նստա-  
րանի վերայ, և դարձեալ սկսեցին խօսել զանազան  
հարցերի մասին, բայց այդ խօսակցութեան ժամա-  
նակ խանը նկատեց մի տխրութիւն, որ պատել էր  
քահանայի բարի զէմբին. նա պարզ նկատում էր, որ  
քահանային մի բան է պատահել անշուշտ, որ այդ  
պէս մուայլուած է նորա մշտադուարթ զէմբը:

Ուստի այդ պատճառով խանը խօսակցութիւն  
փոխելով դարձաւ քահանային:

— Հը, քէշիշ, ասա ինձ, ին՞չ պէս է անցնում օրերդ,  
ինչ պէս ես, գոհ ես արդեօք վիճակիցդ:

— Ինչու մեծաշնորհ խան, պատասխանեց քահա-  
նան, ապրումներ մի կերպ կուուելով կեանքի հետ:

— Չէ քէշիշ-այսօր դուք մի տեսակ այլայլուած  
էք երևում ինձ, կարծես մի ինչ որ փորձանք  
է պատահել ձեզ, ասա քէշիշ, ինչ է ձեր տխրու-  
թեան պատճառը:

Քահանան տեսաւ որ խանը արդէն նկատել է  
իւր տխրութիւնը, և թէ անկարելի է ճշմարտութիւնը  
թաղցնել և չասել նորան, ուստի ասաց:

— Ինչ ասեմ խան, վիճակիցս այն ժամանակ  
կարող էի գոհ լինել, եթէ քահանայ չ'լինէի,

— Քահանայի այդ խօսքերքի վերայ զարմացած  
խանը հարցրեց:

— Այդ ինչ էք ասում քէշիշ, միթէ քահանայութիւն  
անելով վատ է անցնում ձեզ համար:

— Ոչ մեծաշնորհ խան, պատասխանեց քահանան.  
քահանայութեան պաշտօնը վատ չէ երբէք, բայց  
որքան որ ծանր է, նոյնքան մեղ քահանաներիս  
համար սահմանուած օրէնքը շատ զժուար է, և ասա  
այդ զժուարութիւնների մէջ ընկնելով մենք շատ  
անզամ զրկուում ենք կեանքի անհրաժեշտ պահանջ-  
ներից:

— Բայց ասա քէշիշ, կտրեց քահանայի խօսքը

խանը անհամբերութեամբ ինչ վորձանք է պատահել, ես պատրաստ եմ օգնելու ձեզ:

— Ընորակալ եմ խան, պատասխանեց քահանան, կրօնաւորին յատուկ համեստութեամբ, եթէ ես իմանայի խան, որ ինձ պատահած դժբախտութիւնը կը վերջանար ձեր օգնութեամբ, ես ինքս զիմելով ձեզ, կը խնդրէի ձերտ մեծութիւնից: Սակայն ներեցէք խան, որ ինձ պատահած դժբախտութեանը, ոչ մի հնարով չի կարելի վերջ տալ, հետևապէս ոչ մի անձնաւորութիւն չի կարող հանել ինձ այդ անել գրութիւնից, որին Աստուած արժանի է համարել ինձ, թշուառիս:

— Քէշիչ պարզ խօսիր, ասա եղելութիւնը—ինչ է պատահել ձեզ, հարցրեց անհամբերութեամբ խանը նորից:

— Այո՛ մեծաշնորհ խան, ցաւալի և կսկծալի է ինձ պատահած դժբախտութիւնը, շարունակեց քահանան: Սորանից երկու շաբաթ առաջ վախճանուեց կինս, թողնելով չորս մանր երեխաներիս հետ ինձ դառն անբախտութեան մէջ: Մտածում եմ արդեօք ինչ կը լինի իմ երեխաներիս գրութիւնը, երբ չը կայ այլևս նրանց խնամող մայրը, ով պիտի լինի նրանց միխթարողը այսուհետև, կինս ջահել էր, նա հոգ էր տանում զաւակներին, սիրում էր նրանց մայրական լի անկեղծ սիրով, իսկ ես խան, անկարողեմ նրանց մօր նման խնամել ու պահպանել, ահա խան, իմ ամբողջ ներկաս, ուրեմն էլ ինչպէս չի

տխրէ ինձ նման մի քամբախտ, և թշուառ մարդը:

Քահանայի այդ բոլոր խօսքերը լսելուց յետոյ, խանը մի առանձին լրջութիւն ընդունելով իր դէմքի վրայ, ասաց:

— Մահը քէշիչ ամենքիս համար է, այդ մասին ցաւել կարծեմ այսուհետև աւելորդէ, բայց ինչու էք լրջուր տեղից ձեզ թշուառ և քամբախտ անուանում, քանի որ դուք նորից կարող էք ամուսնանալ:

— Ահա հէնց դժբախտութիւնը դորանումն է խան, որ ես չեմ կարող ամուսնանալ:

— Ինչու, հարցրեց խանը զարմացած

— Որովհետև մէք օրէնքով արգելումէ քահանային երկրորդ անգամ ամուսնանալ:

— Բայց ասա քէշիչ, ինչ է պատճառը, որ օրէնքն արգելում է քահանաների երկրորդ ամուսնութիւնը, ասաց խանը հետաքրքրուած:

— Ես էլ չի գիտեմ խան, պատասխանեց քահանան տխրատէմ: Եթէ պարզ քննելու լինենք այդ օրէնքը, որով արգելում է մեզ քահանաներիս կըրկնամուսնութիւնը, մենք կ'տեսնենք որ այդ կանոնը մի խոշոր սխալ է մեր օրենքների մէջ, և հետևապէս դէմ է բարոյական սկզբունքներին: Սակայն ինչ արած, որ ո՛չ մի ձեռք չի յանդգնում ջնջելու այդ սխալը, որ մեծամեծ շարրերներ է առաջացրել քահանաներիս կեանքի մէջ:

— Բայց դուք հասկանալով այդ սխալը, տանելով այդ անխեղձ կանոնը՝ այնուամենայնևե հպատակում

էր այդ օրէնքին, հարցրեց խանը աւելի տարացած:

— Սխալ թէ ուղիդ, խան, բայց պիտի լռել, քանի որ հազարաւոր տարիներից ի վեր օրէնքէ դրուած մեզ համար-- պատասխանեց քահանան լրջութեամբ:

— Ինչպէս քէշիչ, ես ձեզ չեմ հասկանում, ասաց խանը:

— Այո՛ խան, այն ինչ որ օրէնք են դրուած մեզ համար մեր սուրբ նախահայրերից, զիտեցած եղէք, որ իրաւունք չունենք մենք սրբութեամբ չը կատարելու նորա ամեն մի ծէսը:

— Ուրեմն դուք չէք կարող նորից ամուսնանալ:

— Կարող եմ, եթէ թողնեմ քահանայական աստիճանս, պատասխանեց քահանան:

— Ոչ՛ երբէք քէշիչ, — բարձրաձայն բացականչեց խանը, դուք երբէք չէք թողնիլ ձեր պաշտօնը և ոչ էլ կ'մնաք առանց ամուսնանալու, ես հէնց այս րոպէիս կասեմ ձեզ, որ դուք պիտի ամուսնանաք, մնալով ընդ միշտ ձեր պաշտօնի մէջ, և կը հրամայեմ որ ձեր հարսանեաց բոլոր ծախսը հոգան իմ դանձարանից:

— Ճնորհակալ եմ խան, ասաց քահանան, ձեր գլխած օգնութեան համար, սակայն պէտքէ ասեմ որ Ձերդ մեծութեանը կենաց համար երկար օրեր ազօթող հոգևորականս, անկարող է այդ քայլն անելու:

— Լաւ մտածիր քէշիչ. որ ձեզ հետ խօսում է

Ջիրվանի խանը, և այդ իմ ցանկութիւնն է պէտքէ կատարուի, ասաց խանը մի առանձին հպարտութեամբ:

— Անկարող եմ խան, պատասխանեց քահանան դրական կերպով:

— Մի շարժեք իմ բարկութիւնը, քէշիչ, ասաց խանը լրջօրէն, ես ձեզ համար բարիք եմ ցանկանում:

— Գիտեմ խան, բայց միթէ կարող է ինձ պիտի մի քահանան ոտնակոխ անել օրէնքը:

— Բայց քէշիչ, չէ որ դա ապօրինի օրէնք է:

— Թէ կուզ խան, բայց մի թէ կարող եմ ես այդ քայլը անելով պատժուել և ընդ միշտ զրկուել պաշտօնից—պատասխանեց քահանան:

Մի թէ կարող եմ ես իմ այդ քայլովը բացառութիւն կազմել հոգևորականութիւն մէջ և սև նախատրինքով ծածկել իմ ճակատը յաւիտեան:

— Ոչ՛ խան ասացի որ անկարող եմ այդ քայլը անել:

Այո՛ որքան էլ սխալ լինի այդ կանոնը, սակայն ինչ պէս հոգևորական (քահանայ) ես չեմ կարող օրէնքը ոտնատակ տալ իմ սրբազան պարտականութիւնն է ճշմարտութեամբ պահել այդ պատուիրանը:

Քահանայի այս վերջին խօսքերն աւելի յուզեցին զիրազրգիւ խանի բարկութիւնը, նա տեսնում էր որ քահանան առանց մի որ և է պատճառի աշխատումէ օրինակելի համարել օրէնքի այդ սխալ կանոնը, ուստի աւելի հետաքրքրուած ասաց:

— Քէշիշ դուք կարծեմ շատ լաւ էք հասկանում իմ միտքը, բայց տակաւին չէք կամենում համաձայնուել ինձ յետ, և չէք կամենում կատարած լինեմ իմ ցանկութիւնը, բայց ես ձեզ չեմ պախարակում ձեր պաշտած և սիրած օրէնքի համար, միայն ինձ անարդար է երևում ձեր օրէնքի այդ կանօնը, որով արգելում է ձեր կրկնամուսնութիւնը, ուստի ես, ցանկանում եմ քէշիշ, որ դուք պարզապէս բացատրէք դորա պատճառը, թէ արդեօք ինչ հիման վրայ է արգելում ձեր կրկնամուսնութիւնը, ես կը ցանկանայի իմանալ այդ:

— Մեծաշնորհ խան, ասաց քահանան—պարզ և արդարացի հայացքով նայենք մեր այդ կանօնին, կը տեսնենք որ իրաւ բարոյական տեսակէտից որքան անարդար բանէ կրկնամուսնութեան արգելքը մեզ քահանաներիս համար, բայց չէ որ ասացի, այն ինչ որ սահմանել և գրել են մեր նախահայրերն ու առաքեալներն, մենք իրաւունք չունենք չկատարելու նորանց պատուիրանքները:

— Բայց չէ որ քէշիշ, եթէ ձեր առաքեալները իրաւ որ գրած են սուրբ գրքի մէջ արգելք դնելով ձեր կրկնամուսնութեանը, անշուշտ բացատրութիւնն էլ տուած կը լինեն այդ մասին:

— Բացատրութիւն խան, այդ մասին երկար չի գրուած սուրբ գրքում:

— Ապա ինչ է գրուած, հարցրեց խանը անհամբեր:

— Գրուած է խան, որ քահանաները պիտի ունե-

նան միմիայն մի կին:

— Ուրիշ ոչինչ և ոչ մի բացատրութիւն այդ մասին:

— Ոչ մի խօսք պատասխանեց քահանան:

Այս կարճ հարց ու պատասխանից, խանի համբերութիւնը հատաւ, և այդ աւելի շարժեց ինքնակամ խանի բարկութիւնը, քահանայի այդ խօսքերը լսելով, կարծես մի անհաշտ պատերազմ սկսուեց տեղի ունենալ նրա գիւրապարզի սրտում, նա հրամայողական ձեով դարձաւ ասելով քահանային:

— Ուրեմն եթէ այդ պէս է քէշիշ, ես ձեզ հրամայումեմ մինչև մի շաբաթ ամուսնանալ, այժմ այդ իմ ցանկութիւնն է և ոչինչ չը պիտի արգելք հանդիսանայ իմ ցանկութեանը:

— Անկարող եմ խան, պատասխանեց քահանան:

— Բայց ես հրամայումեմ քէշիշ, միթէ դուք կատակի տէր էք դնում իմ խօսքերը ասաց խանը, ուզելով բարկացտ հայացքը գէպի քահանան:

— Հրամայեցէք խան գլուխս կտրեն պատրաստեմ ձեր վճռին, սակայն այդ քայլն անել անկարող եմ: Ոտնակոխ անել օրէնքը օ՛ ոչ խան, ես աւելի շուտ կընդունեմ մահը քան օրինազանց լինելը:

— Խանը տեսնելով հայ կրօնաւորի ունեցած անկեղծ սիրտը, երկաթէ կամքը, իւր օրէնքի մի սխալ կանօնի մասին, մնացել էր զարմացած, նա տեսնում էր, որ քահանան պարզ հասկանալով



սխալը դարձեալ չէ կամենում մտռանալ, չէ կամե-  
նում ճանանչել ճշմարտութիւնը, որով ինքը ստի-  
պում էր նորան ամուսնանալ: Թէև մի կողմից խանր  
տեսնում էր նրա հաստատակամութիւնը իւր օրէնքի  
վերաբերմամբ, բայց միւս կողմից պարզ ճշմար-  
տութիւնը կուռւմ էր իր սրտում և ստիպում էր գործ  
դնել ամէն միջոց հայ քահանայի կրկնամուսնու-  
թեան համար:

Քահանան պատրաստ էր զոհուելու քան այդ  
քայլը անելու:

Խանը մի փոքր մտածելուց յետոյ, երբ տեսաւ  
սր քահանան չէ կամենում ճանաչել ճշմարտութիւնը,  
չի կամենում ամուսնանալ, կամեցաւ պատժի են-  
թարկել նորան, եթէ չի կատարիլ իւր ցանկութիւնը,  
սակայն շուտ չը հրամայելով պատիժը, դառնալով  
ասաց:

— Ես գիտեմ քէշիշ, որ դուք էլ ցանկանում  
էք ամուսնանալ, միայն դուք վախենում էք  
ձեր վարդապետից, որ կըզրկէ ձեզ ձեր պաշտօ-  
նից, ինչ պէս ինքներտ էք ասում, բայց լաւ իմա-  
ցէք քէշիշ որ դուք չէք զրկուիլ պաշտօնից: Այո՛,  
ես հէնց այս երեկոյ մարդ կուղարկեմ վանքը, որպէզի  
վազը ինձ մօտ բարեհաճէ՝ հովհաննէս խալիֆան\*  
և ես վազը ձեր և իմ բոլոր բէզերի ներկայութեամբ  
կը խնդրեմ նորան, որպէս զի ձեզ իրաւունք տրուի

\* Հոգևորականը նովհաննէս վարդապետն էր, որ այդ ժա-  
մանակ վանահայր էր և ուրք Սեփականոսի վանքում, որը  
գտնուում է Չամախու Սաղեան գիւղում:

երկրորդ անգամ ամուսնանալ:

Ինչ էք կարծում, քէշիշ, խալիֆան կը մերժի իմ  
խնդիրը:

— Ես կարծում եմ խան -- պատասխանեց քահա-  
նան, որ խալիֆան որպէս օրինապահ կրօնաւոր,  
երբէք չի համաձանիլ այդ բանին:

— Բայց մենք կը փորձենք քէշիշ, կտրեց նորա  
խօսքը խանը:

— Չեր կամքնէ, խան, պատասխանեց քահանան:

Այս խօսքերից յետոյ նորանք վեր կացան  
նստարանից և մի փոքր շրջելով պարտիզում,  
վերադարձան ապարանքը, որտեղ քահանան մի  
բաժակ թէյ խմելուց յետոյ, մաղթեց մեծաշնորհ  
խանին երկար կեանք և բախտաւորութիւն, ու վերա-  
դարձաւ քաղաք:

Բ.

Միւս օրը նախաճաշի ժամանակ, համաձայն  
ինքնակամ խանի հրամանին, Յովհաննէս հայր սուրբը  
ներկայացաւ:

Խանը ըստ սովորականի սիրալիր կերպով  
ընդունեց Յովհաննէս սրբազանին իր պալատում, և  
հրամայեց ծառաներին այդ օրուայ համար մեծ  
պատրաստութիւն տեսնել:

Այդ օրը բացի սրբազանից նա հրաւիրել էր  
տեղային բոլոր բէզերին իր մօտ, ինչպէս երևում  
էր խանի ծրագրից, նա վճուել էր բոլոր իր բար-

ձրաստիճան հիւրերի ներկայութեամբ երկու նշանաւոր փորձ անել:

Եւ իրաւ որ դա ճիշտ էր: Զիրվանի խանը այդ օրը խիստ վճիռ էր կայացրել երկու նշանաւոր մարդկանց համար, եթէ վերջիններս չի կատարէին նրա հրամանը:

Գորանցից մինը Յովհաննէս սրբազանն էր, իսկ միւսը իրանց հոգևորականութեան գլխաւոր Մուշղէիզը. սարսափելի և խիստ էր պատիժը:

Մուշտէիզը մեղադրուեմ էր չորս կին առնելու պատճառով:

Երկու օր առաջ թրքաբնակ Ղաջար գիւղացի մի ծերունի մտաւ խանի գլխանատունը և զանգատուեց թէ մուշտէիզ մօլլա դադին չը բաւականանալով իւր երեք կնիկներովը բռնի կերպով խլել էր նրա մի հատ տասնեօթ ամեայ գեղեցիկ աղջկան, և առանգելով, իր չորրորդ կինն էր դարձրել նորան, թէև ծերունին շատ աղաչանքով ընկել էր Մուշտէիզի ոտները, և խնդրել էր որ յետ դարձնէ իր աղջկան, սակայն Մուշտէիզը չը լսելով նրա աղաչանքը անէծքներ կարգալով թըշւառ ծերունու գլխին, գուրս էր վռնգել իր տանից,

Եւ ահա խանը լսելով ծերունու զանգատը սաստիկ զայրացաւ, անմիջապէս կանչել տուեց Մուշտէիզին իւր մօտ, որպէսզի բացատրութիւն պահանջէ նորանից իր գործած գրուելի յանցանքի համար: Իսկ Յովհաննէս սրբազանին ընթերցողը

արդէն գիտէ, թէ ինչու համար էր հրաւիրել: Ահա այդ երկու նշանաւոր մարդիկն էին խանի այդ օրուայ փորձի առարկաները, երկուսի արարքն էլ մի անասելի վրդովմունք էր պատճառել նորան:

Նա արդէն սրտել էր իր մէջ, թէ ինչ պատիժների պիտի ենթարկուեն այդ երկու հոգևորականները. Ուստի նա սկզբում գեռ հանդարտ էր, կարծում էր որ նրանք մի րոպէ չեն կարող ընդիմանալ իւր ցանկութիւններին, և իմանալով իրանց համար սրտշուած խիստ պատիժները, իսկոյն կ'կատարէին իր ցանկութիւնները:

Կէս օրից յետոյ երբ փառաւոր ճաշը վերջացաւ պալատում, խանը սկսեց նախ հարցու փորձ անել տեղական բէգերից, իրանց վիճակները և ժողովորդի դրութեան մասին, և ապա դարձաւ վերջապէս Սրբազանին,

— Իսկ դուք խալիֆայ գոհէք ձեր վիճակից:

— Քանի որ Զիրվանը ունէ ձեզ պէս մեծաշնորհ տէր, ուրեմն մենք ձեր կենաց համար աղօթողներս միշտ գոհ ենք մեր վիճակից, պատասխանեց սրբազանը, կրօնաւորին յատուկ լրջութեամբ:

— Իսկ ես գոհ չեմ ձեզանից խալիֆայ՝ ասաց խանը, համարձակ աչքերով նայելով Սրբազանի երեսին:

Խանի վերջին բառը մի առանձին շփոթութեան մէջ ձգեց Սրբազանին, նա չգիտէր թէ ինչումն էր բանը: . . .

Նա ընկաւ հազար ու մի կասկածանքների մէջ: Երբէք չէր պատահած, որ Զիրվանի — խանը անգոհունակ լինէր հայ հոգևորականներից:

Այդ պատճառով նա երկմտած խանի խօսքերից պատասխանեց:

— Չեմ կարծում մեծափառ խան, որ մենք մի որև Վատ գործ կատարած լինենք դէպի ձեզ, որի մասին դուք անգոհանակ լինէիր մեզանից, և ինչու պէտքէ գոհ չլինիր մեզանից, քանի որ մեզ ճանաչած օրից մի որև է յանցանք չէք նկատել մեզանում, և կարծեմ խան ձեզ պարզ յայտնի է թէ մենք ինչպիսի հոգով ենք վերաբերում դէպի ձեզ, և դէպի Զիրվանի ամբողջ ազգաբնակչութեանը, այն հաւատար, որը մենք ենք տածում դէպի ձեզ, և դէպի մեր ժողովուրդը, դորան վկայ է ամենաբարձրեալ Աստուածը:

— Այդ բոլորը շատ պարզ է խալիֆայ, պատասխանեց խանը, ևս զիտեմ որ դուք սրբութեամբ էք կատարում ձեր պաշտօնը և միշտ բարիքն էք ցանկանում մեր երկրին, սակայն այդ չէ իմ դժգոհութեան պատճառը:

Ասա խնդրեմ խալիֆայ, շարունակեց խանը — եթէ մի մարդ անյաջողութեան հանդիպելով դժբախտանում, է այդպիսի մարդուն, մարդկութիւնը և օրէնքը պաշտպանում են, թէ աւելի են թշուառացնում:

— Ինչ պէս խան, դժբախտութեան մէջ ընկած մարդուն պաշտպանումէ թէ օրէնքը և թէ մարդկու-

թիւնը, պատասխանեց սրբազանը, զարմացած խանի այդ օտարտախօսքերից:

— Ուրեմն խալիֆայ, համաձայնումէք ինձ հետ, որ դժբախտին օգնելը և պաշտպանելը մի սուրբ պարտականութիւն է, որը պատուիրումէ Աստուած, կրկնեց նորից խանը:

— Այո՛ խան, Աստուածութիւնը ասումէ սուրբ գրքի մէջ, օգնելով դժբախտներին, թշուառերին, իմացէք որ օգնում էք ինձ:

— Զատ բարի, ասաց խանը — բայց ինչու դուք չէք կատարում Աստուածային այդ սուրբ պատուիրանը:

Խանի այդ վերջին խօսքերը աւելի զարմացրեց Սրբազանին և վերաւորեց նրա ինքնասիրութիւնը, որովհետև սկսած այն օրից, երբ նա ստանձնել էր սուրբ վարդապետութեան պաշտօնը ամենայն սրբութեամբ և հաստատութեամբ էր վերաբերուել դէպի իւր սրբազան կոչումը, ոչ մի անգամ նա իր կեանքում մի անարդար գործ կատարած չէր, որպէս զի շարժէր Զիրուանի խանի բարկութիւնը:

Բայց սրբան մտածում էր, ոչ մի եղրակացութեան չէր հասնում խանի անգոհունակութեան մասին, ուստի նա շատերի նման սկզբում շփոթուեց, այլպէս չէր կարելի, հարկաւոր էր նրան անպատճառ իմանալ խանի իրանից դժգոհ լինելու պատճառը:

Եւ նա արդար մարդկայաբար հայեացքով դարձաւ խանին:

19 05 69  
79-07609



— Ես չեմ կարծում որ մի որևէ յանցանք գործած լինելով շարժած լինեմ Ձերականի խանիդ բարկութիւնը, բայց այնուամենայնիւ գուցէ ձերդ իշխանութիւնըմի բան թէ լսել կամ իմացել էք մեզանից, թող շնորհէ մեզ և յայտնէ մեր մեղաւորութիւնն այդ մասին:

— Այս՝ խալիֆայ, պատասխանեց խանը, ես կասեմ ձեզ, որ դուք դժբախտացնումէք մի մարդու, որին արդէն դժբախտացրելէ Աստուած և դժբախտացնելով նորան, սպանել էք կամենում նորա ամբողջ ընտանիքը և այդ բոլոր շարիքները դուք ծածկում էք օրէնքով, ասացէք խնդրեմ, միթէ ձեր ասելով ձեր սուրբ գրքի մէջ մէկ տեղ գրուածէ օգնել, պաշտպանել թշուառին, իսկ մի ուրիշ տեղ գրուած է հալածել, դժբախտացնել . . . :

— Մեծաշնորհ խան, պատասխանեց սրբազանը համբերութիւնը հատած, որն է այդ մարդը, որին ես անբախտացրել եմ, արդեօք չէ՞ կարելի իմանալ նորա ով լինելը:

— Նա այնքան էլ կորած մարդ չէ խալիֆայ, կարծէմ դուք ինքներդ էլ զիտէք նորա ով լինելը, նա մեր քաղաքի քահանան է, որի կինը վախճանուելով դուք արգելում էք երկրորդ անգամ ամուսնանալու, ասա խալիֆայ, միթէ այդ յանցանք չէ ձեր կողմից:

— Բայց խան, միթէ դորանում ես մեղաւոր եմ կամ միթէ ես եմ արգելողը:

— Ապա ո՞վէ արգելողը:

Օրէնքը, պատասխանեց սրբազանը:

— Ասա խնդրեմ խալիֆայ, շարունակեց խանը— ասելի տարացած եղանակով—ինչ հիման վրայ է արգելում ձեր օրէնքը քահանայի կրկնամուսնութիւնը, չէ որ դուք փոքր առաջ ասացիք, թէ Աստուածութիւնը սուրբ գրքի մէջ պատւիրումէ, օգնել կարօտեալ թշուառին, իսկ այժմ ասում էք օրէնքն է արգելողը. ասա խնդրեմ, միթէ դա արդար օրէնքէ, էլ դորանից ասել թշուառ դրութեան մէջ մարդ կարողէ լինել, արդեօք ո՞ր գրքի մէջ է գրուած այդ տեսակ անմեղ բան, ինչո՞ւ չ'պէտքէ ամուսնանայ մի քահանայ երկրորդ անգամ, քանիոր նորա որք մնացած մանր երեխայքը գանուսնան անխնամ դրութեան մէջ, ասա խալիֆայ դուք զգումէք, թէ ինչ է նշանակում մայր:— Գաղաններն անգամ առանց մօր անկարող են լինում խնամուել, բայց դուք կարծես ոչնչի տեղ էք դնում այդ բանն առանց մտնելու դժբախտ քահանայի դրութեան, մէջ պնդում էք ձեր օրէնքի այդ սխալ կէտի վրայ:

Եւ վերջապէս խալիֆայ ես կը խնդրէի բացատրել ինձ, թէ ինչ հիման վրայէ արգելում օրէնքը քահանայի կրկնամուսնութիւնը:

Սրբազանը որ այդ բոլոր ժամանակ լուռ ազնայ էր դնում խանին, շուարել էր, նա մնացել էր տատանման մէջ, ինչո՞ւ է արդեօք խանը միջամտում այդ տեսակ հարցերի մէջ մտածում էր նա.— միթէ հայ քահանան

ինքնէ զիմէլ խանին, որպէս զի նա մի կողմ չարտէ այդ օրէնքը, և իրաւունք տայ իրան կրկին անգամ ամուսնանալու:

Ելծմ ինչ պատասխանէր նա այդ ինքնակամ խանին, և այն էլ ինչ ձևով, քանի որ խանը չէր զիջանելու իր ասածից և կամենում էր միանգամայն վերացնել հայերի միջից այդ կանօնը—խանը բացատրութեան էր սպասում:

Սրբազանը մի քանի բոպէ տատանուելուց յետոյ վերջապէս դարձաւ զէպի խանը:

— Գիտէք, մեծափառ խան, ասաց նա—ինչպէս իւրաքանչիւր մի ազգ ունի օրէնք իւր համար և նա պաշտում է իւր օրէնքը բոլոր սրբութեամբը կատարում է նորա բոլոր ծէսերը և կանոնները իւր բոլոր ճշտութեամբ, նոյպէս և մենք հայերս, խան, ինչպէս վաղեմի հին ազգ, ունինք մեր օրէնքը, մենք ևս պարտաւոր ենք ամենայն սրբութեամբ և ճշտութեամբ պահել նորա ամեն մի պատուիրանը:

Հետևապէս ո՛չ մի ձեռք, ոչ՛ մի մարդ, ոչ մի լեզու հազարաւոր տարիներ անկարող են եղել խախտել մեր օրէնքի ո՛րևէ ծէսը, նոյնպէս այժմ և սրանից յետ, ո՛չ մի ձեռք չի կարող քանդել մեր նուիրագործուած օրէնքը կամ նորա մի որևէ կէտը:

Գուր ճշմարիտ է, սխալ էք համարում քահանայի կրկնամուսնութեան արգելքը, սակայն իմացէք խան, որ մենք, որպէս օրինապահ կրօնաւորներ, իրաւունք չունենք ջնջելու այդ արգելքը, որը գոյ-

ուլթիւն ունէ մեր մէջ հարիւրաւոր տարիներից ՚ի վեր:

— Ձարմանում եմ խալիֆայ, պատասխանեց խանը աւելի յուզուելով, որ արևի նման պարզ ճշմարտութիւնը դուք ծածկել էք կամենում. դուք տեսնում էք և հասկանում, որ այդ ամենը սխալ է, սակայն կրկին սնդում էք հարիւրաւոր տարիները պատճառաբանելով: Ասան ինդրեմ խալիֆայ, ով է մեղաւոր, որ հարիւրաւոր տարիներ դուք այդ անիմաստ կանոնը իւր այլանդակութեամբ պահպանել էք ձեր մէջ որպէս մի անջնջելի աւանդ և դեռ դուք պարծենում էլ էք, որ երկար տարիներ շարունակել է ձեր մէջ այդ սխալ կանոնը:

Սրբազանն այլևս խօսք չունէր պատասխանելու խանին:

Նա տեսաւ որ խանը խիստ է վերաբերում հայոց կրօնին և նրա ծէսերին, էլ չըկամեցաւ երկար ու բարակ բացատրութիւններ տալ նորան, քանի որ նա հպարտ և ինքնահաճ էր և իր ցանկութիւնն էր ուզում գլուխ բերել, բացի դորանից տեսնելով որ շուրջը գտնուող բոլոր բէկերը ինչ նենգամիտ հայեացք են ձգել նորա վրայ, բարւոք համարեց լռել, քանիթէ բացատրել հայի կրօնը նրանց առջև:

Բայց ինքնակամ խանն այդ հասկացաւ և գառնալով ասաց:

— Այդ բոլորը մի կողմ թողնենք խալիֆայ, այժմ ես ձեզնից խնդրում եմ որ իրաւունք տայիք քահանային երկրորդ անգամ ամուսնանալը

— Անկարող եմ խան, պատասխանեց սրբազանը լրջօրէն, անկարելիէ՛ հս այդ անել չե՛մ կարող:

— Եթէ մի բան խնդրումէ Զիրվանի խանը, երբէ՛ք անկարելի չէ կարող լինել

Պատասխանելով խանը, դարձաւ տեղային քահանային, որ ներկայ էր այդտեղ, և ասաց.— «խալիֆան իրաւունք է տալիս ձեզ ամուսնանալու. Գուք կարող էք վաղուանից ձեր պատրաստութիւնը տեսնել, հարսանիքի բոլոր ծախքը կստանաք իմ գանձարանից. գնացէք քէշիչ ազօթեցէք իմ և խալիֆայի կենաց համար, որ ստացաք դուք այդ իրաւունքը:

Խանի այդ խօսքերի վրայ սրբազանը իւր բարկացկոտ հայեացքը ուղղեց քահանային և ասաց:

— Թողէ՛ք ձեր պաշտօնը և ամուսնացէ՛ք, եթէ կամենում էք, այլապէս ձեզ ոչ մի կերպ իրաւունք չէ տալիս օրէնքը, միթէ՛ դուք կամենում էք ոտնատակ տալ հայի օրէնքը:

Անճարացած քահանան ոչ մի պատասխան չունէր տալու սրբազանին: Նա մնացել էր տատանման մէջ, տեսնում էր, որ այդ մասին խօսակցութիւնն աւելի վատ հետևանքի պէտքէ հասնէ, դարձաւ խանին և սրբազանին:

— Եթէ ձեր վիճաբանութիւնը իմ մասին է, ես կը խնդրէի Զիրվանի մեծափառ խանին և մեր

սրբազան հօրը, որ ես չեմ ցանկանում ամուսնանալ այո՛ չեմ ցանկանում քանդել մեր օրէնքը և չեմ ուզում ամբողջ ազգիս անէծքը թափուի գլխիս:

— Իսկ եթէ իրաւունք է դրւում ձեզ, պիտի ամուսնանաք, այո՛ այդ իմ ցանկութիւնն է, որ պիտի կատարուի,— ասաց խանը հպարտօրէն դառնալով սրբազանին:

— Խալիֆան, ես վերջին անգամ խնդրում եմ ձեզ, որ այժմ և եթ իրաւունք տաք քէշիչին, որպէսզի նա սկսի վաղուանից հարսանիքի պատրաստութիւն տեսնել:

— Անկարելի է խան, համոզուած կերպով ասաց սրբազանը, երբէ՛ք չի կարելի այդ տեսակ բացառութիւն անել մեր օրէնքի մէջ:

— Ուրեմն թո՛ւյլ տուէք խալիֆայ ասել, որ խնդրելուց յետոյ կայ մի ուրիշ խօսք և այդ հրամայելն է, այո՛ ես այս բոլորից յետոյ, երբ իզուր է անցնուս եմ ինդիրքս, ստիպուած եմ միայն հրամայել,— ուրեմն հրամայում եմ խալիֆայ՝ տալ իրաւունք այդ թշուառ քահանային երկրորդ անգամ ամուսնանալու:

Խստահրաման խանի այդ վերջին խօսքերը սրբազանին անասելի շփոթութիւն պատճառեցին, բայց վերջինս ժողովելով իւր ուժը, հաստատակամութեամբ պատասխանեց:

-- Անկարող եմ խան ձեր հրամանը կատարելու: Սրբազանի դրական պատասխանը վերաւորեցին բաթսիրտ խանի ինքնասերութիւնը. նա բարկա-

նալով իսկոյն հրամայեց ներկայ գտնուող բէկերին, որ իսկոյն և ետ դուրս տանեն սրբազանին բակը և հրամայեն ծառաներին ընդարձակ բակի մէջ ֆալա-խկան պատրաստեն:

Աւելորդ է ասել, որ խանի հրամանը մի քանի րոպէում կատարուեց. Բէկերը սրբազանին տարան դուրս և յանձնելով ծառաներին, պատուիրէցին խանի հրամանը:

Քահանան մնացել էր խանի մօտ, ոտից գլուխ դողդողալիս. նա տեսնելով խանի որոշած սարսափելի պատիժը, խնդրում էր, որ թողնէ այդ բոլորը, քանի որ ինքն չի կամենում այլևս ամուսնանալ:

Իսկ խանը հրամայեց որ քահանային ևս դուրս տանեն և այդտեղ պահեն:

Կատարուեց խանի այդ հրամաննէլ:

Գ.

Այժմ ապարանքում մնացին խանը և իր բէկերը, նա կանչել տուեց իրան մօտ պարսիկների մուշտէիդին, որ մի ժամ առաջ դուրս էր գնացել նամազ անելու:

Պատշկամբից ներս մտնելով, ողջունեց խանին, մօտեցաւ բազմեց իւր փառաւոր տեղում. Խանը, յուզուած սիրով հովացնելու համար մի ղէյլան պահանջելով, նրա դէմ առ դէմ:

Այժմ խալիֆայի դարդը վերջացաւ ազն, մնում է ձերբը, ասաց խանը, նայելով ուղղակի մուշտէիդի մուշտուած դէմքին:

— Ես չեմ կարծում խան, մի որ-և է յանցանք գործած լինեմ իմ կեանքում և դրանով բարկութիւն պատճառած լինեմ ձեզ:

Ո՛չ ազա, սխալուած էր դուք, այս՝ շատ սխալուած որովհետև այն անարդար յանցանքը, որ դուք էր գործել, ոչ մի անուն չի կարելի տալ:

Մոլեռանդ կրոնաւորը խանի այդ խօսքերից սաստիկ վիրաւորուած, պատասխանեց:

-- Գուք ծիծաղում էք մեզ վրայ, թէ կարակներ անում:

— Ո՛չ ազա, ասացի որ սխալուած էք. միթէ կարելի է ամենամեծ մարգարէի առաջնորդի հետ ծաղրով կամ կատակով խօսել. եթէ ես ծաղր կամ կատակ ցանկանամ, իսկոյն կը հրամայեմ իմ ղէլիներին, որոնք իրանց կատակներով, մի առանձին հաճոյք են պատճառում ինձ, իսկ ձեզ հետ ազն, օ՛ Աստուած ոչանէ, միայն լուրջ եմ խօսում, Այն դուք այդ ձեր կոշման մէջ կատարել էք մի արատաւոր բան, որին ոչ մի կերպ անուն չի գտնուում տալու,

-- Ասացէք խան, ինչ ենք արել--անհամբեր հարցրեց մուշտէիդը, մրմնջալով քիժի տակ սովորական նամազը:

— Ահա թէ ինչ էք արել, պատասխանեց խանը

շարունակելով.— ասացէր խնդրեմ, մի՛թէ դուք չ'բաւականացաք ձեր ունեցած երեք կլիներովը, որ յափշտակել էք Ղաջար զիւզացի այն ծերունու աղջիկը. ասսօ աղա, մի՛թէ մեր դուռանը այդ տեսակ բարբարոսութիւն է պատուիրում, որ դուք էք կատարում. ասենք թէ Մահմեդը սահմանել և իրաւունք է տուել մինչև եօթ կլին առնելը, բայց ուր մնաց մարդկային ազնուութիւնը և խիղճը. մի՛թէ կարելի բան է, ունենալ երեք կլին և նորից վերջնել մի մանկահասակ, անմեղ աղջիկ, խախտել նորա կուսութիւնը ձեր կրքերին, և այդ էլ անու՛մէ մի մարդ, որ կեչուումէ մահմեդի յաջորդը և ամբողջ մուսուլմանների գլխուոր կրօնապետը. ասսօ մի՛թէ այդ դարհուրելի յանցանքին անուն տալ կարելի է:

— Խան այդ է ձեր անուանուած յանցանքը. բայց ասսօ մի՛թէ դա օրէնքից դուրս բան է, որ դուք առանց տեղեակ լինելու, այդ տեսակ անվայել կերպով էք խօսում կրօնապետիս հետ:

— Որքան անվայել, նոյնքան անարգար և մանաւանդ աններելի ձեզ կրօնաւորիդ: Ես հրամայում եմ ձեզ, այսօրուանից և ետ արձակէք ձեր կանանցից երեքին և բաւականանաք մէկով, գոնէ երկուսով, ասսօ խնդրեմ, ինչո՞վ զանազանուի մարդս գազաններից:

Արձակեցէք այն թշուառ ծերունու աղջիկան. մեկը է նա. հայրը երէկ զանգատի էր եկել ինձ մօտ և ես խոստացայ, որ նրա աղջիկը երեք օրից՝ յետ կը գարձուուի իրան,

Մուշտէիդն լսելով այդ ամենը, սաստիկ զայրացաւ բոլոր այդ տեղի ունեցած անախորժ խօսակցութեան և խանի վրայ մանաւանդ, որ իւրան հասարակ մարդու տեղ դնելով էր վարուում և բայցի դրանից հրամայում է թողնել իւր կնիկներին, բայց այդ մահու շափ ծանր էր նորա համար և երբէք իրաւունքից զուրկ չէր ուզում համարել իւր արած քայլի մէջ, նա զիտէր որ ինքը ինչպէս կրօնապետ ամբողջ Չիրվանի, և իրաւունք ունի ամեն ինչ անելու, այն մինչև անգամ օրէնքով խանից բարձր իրաւունք էր վայելում մահմեդականների մէջ:

Բայց խանը չէր ուզում հետեւել իւր նախորդներին օրինակին, որոնք այնքան ազատ էին թողել կրօնաւորներին իրանց օրերով. նա արգարազատ և մաքուր խղճի տէր լինելով, միշտ պաշտպանելով ազնուութիւնը, չէր կարողանում տանել իրանց կրօնաւորների բարբարոսութիւնը:

Նա տեսնում էր, որ իր պապերը այնքան լայն ու բարձր իրաւունքներ էին տուել իւրտքանչիւր կրօնաւորին, որ նրանք տգէտ ժողովրդին պերկ էին զարձրել իւրանց ձեռքում, որքան էլ անարգար լինէին նրանք իւրեանց իւրաքանչիւր քայլի մէջ, այնուամենայնիւ ոչ մի մարդ չէր համարձակում մինչև անգամ վատ հայեացքով նայել մօլլայի կամ մուշտէիդի երեսին, օրէնքը, մուշտէիդի ասելով, անէ՞ծք է թափում նորա գլխին, ովոր կընդգլմանայ մեծ կրօնապետին, ապա ուրեմն և մեծ մարդարէին:



Բայց Մուստաֆա խանը շատ լաւ գիտէր, որ մեծ մարգարէի անուան տակ ծածկուած մուսուանդ, բարբարոս կրօնաւորների կատարած զաղրելի գործերը, նա գիտէր որ այդ սուտ ճգնաւորները իրանց այդ կեղտոտ կեանքով թող են փշում միամիտ մուսուլմանների աչքերին, որոնք սրբի տեղ ընդունելով նորանց, պաշտում են ամենքը:

Ահա այդ պատճառով հրամայում էր թողնել Ղաջար գիւղացի ծերունու աղջիկան, որի հայրը երեք օր առաջ ողբալով գանգատուելու էր եկել խանին:

Բայց մուշտէիզը կարծելով որ խանը երբէք չի կարող միջամտել իւր դործում, իրան բարձր գերադասելով խանից, դորա համար էլ պատասխանեց:

— Խան, մի՛թէ դուք չէք ուզում ճանաչել կրօնաւորներին պատիւը և մի՛թէ չըզիտէք Ալլահի և Մահմէդի հրամանով ամենքը պիտի պատուեն և խոնարհուեն իմ առաջ:

Չեզ յայտնի է կարծեմ խան, որ ո՛չ որ իրաւունք չ'պէտքէ ունենայ իմ գործերում միջամտելու և խօսելու նա, ո՞վ պաշտում է և պահում Մահմեդի սուրբ օրէնքը:

— Եթէ Ալլահը և մեծ Մահմեդը օրենք են դրել, որ մենք պատուենք և պաշտենք ձեզ պէս սուտ ու խաբեբայ բարբարոս կրօնաւորներին, ես իրաւունք եմ համարում ինձ ընդ միշտ ջնջելու այդ օրէնքը. այն, ես այդ պէս եմ ցանկանում և պէտք է լինի

իմ ասածը. կրկին հրամայում եմ ձեզ, որ այս րոպէիս ձեր իրաւունքով արձակել տար ձեր կանանցից երկուսին և այն ծերունու անմեղ աղջիկան, բուսկանանալով մէկով:

— Խան ասացի որ դուք չըզիտի միջամտէք իմ գործում. այն խան, դուք օրէնքով իրաւունք չունէք:

— Ես ջնջում եմ այդ օրէնքը և հրամայում ձեզ, հասկանում էք,— ասաց խանը բարկացած:

— Գուք իրաւունք չունէք խան, պատասխանեց մուշտէիզը դրականապէս:

— Ես չունեմ իրաւունք, ասաց խանը և տեղից կանգնելով հրամայեց բէկերին, որ խօլոյն դուրս տանեն մուշտէիզին պալատից:

Բէկերը, որ հլու ծառաների նման լուռ ահանջ էին դնում խանին, խօլոյն կատարեցին նորա հրամանը:

— Տարէք դուրս այդ սուտ ճգնաւորին, որ այդպէս օրէնքով է ուզում վախեցնել ինձ, ես այսօր ցոյց կըրտամ նորան իւր օրէնքը և իւր յանդուգն պատասխանը ինձ. տեսնում էք բէկեր, որպիտի մարդիկ են դուրս կանգում մեր ազդի վրայ. այդպիսի եղիւները իւրանց արդարատատ կրօնապետ են անուանում, բայց մի՛թէ դորանք կրօնապետներ են, մի՛թէ դամահմեդի յաջորդնէ. Գուք խօ լսեցիք նորա բոլոր պատասխանները, արդեօք ինչո՞վ է պակաս նա այն սրիկայ աւազակներից, որոնք լոյս ցերեկով են կողոպտում խաղաղ ժողովուրդին:

Չհասկացաւ այդ մարդը իւր պատիւը, իր կոչ-

ման արժէքը, ուրեմն նայեցէք հիմայ իմ դատարանին. տեսէք ինչպէս եմ գատում այս օր այդ երկու ազգի կրօնապետներին իրանց անարդար օրէնքների համար:

**Գ.**

Մեծ ընդարձակ բակի մէջ արդէն պատրաստած էին երկու ֆալախկաններ, մէկը Հովհաննէս հայր սուրբի համար, միւսը մեծ մուշտէիդ մօլլա զագու համար:

Խանը բոլոր բէկերի հետ գուրս գալով իր երկհարկանի պատշկամբը, հրամայեց այնտեղից, որ առաջ հայ հոգևորականին կապեն ֆալախկայի. կատարուեց խանի հրամանը:

Սրբազանը լուռ էր, նա գիտէր որ ոչ մի խօսք այլ ես չէր օգնիլ նորան, ուստի լուռ տանում էր այդ սարսափելի պատիժը, մի քանի րոպէից արդէն սրբազանին մէջքի վրայ պառկացրած ձեռքերը յետին կապած, ոտքերը դէպի վեր ֆալախկայի մէջ պնդացրած. էին, երբ խանը ձայն տուեց պատշկամբից:

— Լսեցէք խալիփայ վերջին անգամ հրամայում եմ ձեզ, տալիս էք արդեօք իրաւունք քահանային ամուսնանալու, թէ ոչ:

— Երբէք, պատասխանեց վճռողական ձևով սրբազանը:

— Ուրեմն զարկեցէք նորան նախ քսան և հինգ ճիպոտ,— հրամայեց խանը:

Փալախկայի մօտ կազնած չորս ֆարրաշները անմիջապէս սկսեցին կատարել խանի հրամանը:

Մի քանի վայրկեանից զարկը վերջացաւ, խանը ֆարրաշներին ձեռքով նշան արաւ սպասեն և դարձաւ սրբազանին ասելով:

Ասացէք խալիփայ, տալիս էք իրաւունք քահանային ամուսնանալու, թէ ոչ:

— Ո՛չ եղաւ պատասխան:

— Չարկեցէք յիսուն ճիպոտ, ասաց բարկացած խանը, երևի նա ցանկանումէ վերջ տալ իւր կեանքին:

Փարրաշները նորից սկսեցին իւրանց գործը. սարսափելի ծանր, մահացու հարուածների տակ գոռում էր սրբազանը. և ինչո՞ւ համար՝ իւր հաւատի, իւր սուրբ օրէնքի պաշտպանութեանը համար, բայց միթէ նա արժանի էր մի այդպիսի պատժի:

Տարակոյս չր կայ, որ յիսուն ճիպոտ խփելուց յետոյ սրբազանը արդէն անշնչացած էր:

Խանը տեսնելով հայ կրօնաւորի երկաթէ կամբը և իւր օրէնքի համար զոհուելու ցանկութիւնը, մնացել էր զարմացած նա հրամայեց, ասելով քահանային:

— Ուրեմն տեսնը քեզիչ, որ խալիփային մինչև անգամ ձեր պատճառով ես սպանել տուի ուրեմն այժմ գնացէք ազատ կերպով ամուսնացէք, իմացած

եղէք, որ Մուստաֆա խանի ցանկութիւններին և հրամաններին ընդդիմացողը միշտ այդ պէս է գատուում և այդպէս է պատժուում:

Այդ խօսքերից յետոյ քահանայի դրութիւնն անտանելի էր, նա տեսաւ որ իւր պատճառով սպանել տուեց սրբազանին, գիտէր որ այնուհետ բոլոր տեղացի հայ ժողովուրդը անէծք պիտի լծաիէ նրա գլխին և ով գիտէ մի օր կսպանեն նորան, դարձաւ ասելով խանին:

— Մեծափառ խան, իզուր էր ձեր այդ արիւնալի գործը այն, ես ձեզ ասացի որ ես չեմ ցանկանում ամուսնանալ:

— Գուր այժմ էլ չէք ցանկանում ամուսնանալ, կտրեց նրա խօսքը խանը բարկացած:

— Ո՛չ, ասաց քահանան:

— Ընտ բարի, պատասխանեց խանը և իսկոյն հրամայեց ֆարրաշներին, որ քահանային ևս կապեն ֆալախիկի, քանի որ այդ մարդը չի ուզում հասկանալ իւր բարիքն ուրեմն զարկեցէք սրան յիսուն ճիպոտ. թո՛ղ սա էլ իւր մեծի մօտ գնայ. երևի հոգևորականները նահատակութեան մէջ մի առանձին հաճոյք են վայելում:

Մի քանի ըստէում կատարուեց խանի հրամանը, բայց երբ ֆարրաշները սկսեցին իւրանց հարուածները, մի քանի հարուածից յետոյ խանը զործողութիւնն ընդհատելով հարցրեց:

— Քէչիչ, չէք ցանկանում ամուսնանալ:

— Ո՛չ պատասխանեց քահանան կիսաշունչ ձայնով:

— Ուրեմն զարկեցէք հրամայեց խանը, մի քանի ըստէից քահանան նոյնպէս անշնչացած էր:

Թէ խանը, թէ բէկերը մնացել էին զարմացած, տեսնելով հայ կրօնաւորների իրանց հաւատի մէջ ունեցած սիրոյ տենչը:

— Այժմ առաջ բերէք երբոք հոգևորականին. ես գիտեմ այս օր երեք հոգևորական միասին են ցանկանում գերեզման գնալ:

— Այժմ աղա, գառնալով խան, մուշտէիդին դուք տեսա՞ք խօսմ այդ երկու հոգևորականի իմ տուած պատիժը. . . ուրեմն աւելորդ է ասելը, որ դուք էլ նոյնպէսի պատժին պիտի ենթարկուէք, եթէ չէք կատարիլ իմ հրամանը. այս ըստէիս ձեր հրամանով եթէ մարդ չէք ուզարկիլ այն ծերունու աղջկան արձակելու. . .

— Հոգևորականները պատրաստ են ուրտխութեամբ տանելու ամեն պատիժ, ամեն զոհաբերութիւն, միայն թէ իրանց հաւատը ու օրէնքը չեն կարող ոտնակոխ անել, դուք խօսմ այս ըստէիս փորձիցիք և տեսաք հոգևորականի երկաթէ կամքը, ուրեմն թոյլ տուէք ասելու խան, որ ես էլ նոյնպէս կըզոհուեմ, սակայն չեմ կարող քանդել այն, ինչ որ մեզ համար օրէնքն է դրած, պատասխանեց մուշտէիդը լրջօրէն:

— Բայց ես վերջին անգամ ասում եմ այս բոլոր բէկերի ներկայութեամբ: եթէ մեր զուրանում գրած է որ մենք երեք--չորս կին առնենք, ես չեմ

հաւատում այդ դուրանին, իմ տերապետութեան տակ գտնուողները չբախտուէ կատարեն այդ օրէնքը:

— Անկարելի է խան, օրէնքն օրէնքէ և պիտի կատարեն, ովքեր Մահմեդի զինն են պաշտում, ոչ չոր չի կարող ընդեմանալ այդ օրէնքին, ասաց մուշտէիզը:

— Քանի որ դուք չէք ուզում լսել իմ խօսքերը և չէք ուզում կատարել հրամանս, ուրեմն պատրաստուեցէք տանել պատիժը, — ասաց խանը և հրամայեց ֆալախկայի կապել մուշտէիզին:

Միքանի բռնակից պատրաստ էր ամեն ինչ երբ խանը հրամայեց. — զարկեցէք առաջի անգամը քսան և հինգ ճիպտա: նա կարծում էր, որ ցուր անմիջապէս պէտքէ կատարել տայ իւր հրամանը:

Փարբաշները կատաղի կերպով սկսեցին իրաց ահարկու հարուածները:

Երբ քսան և հինգ հարուածը լրացաւ հարցրեց խանը:

— Ինչպէս՝ էք ազա, համաձայն էք խնդիրս կատարելու թէ ոչ:

— Ո՛չ, — հաղիւ լսելի ձայնով ասաց մուշտէիզը:

Բայց խանը այդ „ոչ“ը արտասանելու մէջ նկատեց, որ շուտով նա պէտքէ համաձայնուի. երեկ նա կարծում էր, որ խանը սպանելով երկու կրօնաւորներին, իւրան քսան և հինգ հարուածից չիտոյ ներումն կըջնորճէ, բայց հակառակ նորա սպասածին, խանը հրամայեց նորից զարկել յիսուն պոտ. սակայն երբ ֆարբաշները սկսեցին սար-

տախելի կերպով հարուածներ իջեցնել Մահմեդի յաջորդի վրայ, նա այլևս անկարող եղաւ ցաւին գիմանալ, և դէռ հազիւ էին զարկել տասը ճիպտ, մուշտէիզը գոռալով ասաց „մի սպանէք ինձ խան, ես կ'կատարեմ ձեր հրամանը:“

Խանը նշան արաւ ֆարաշներին որ գազարացնեն հարուածները:

— Համաձայնումէք արձակել ձեր կանանց.

— Այո ձերդ մեծութիւն, — պատասխանեց կիսաշունչ ձայնով մուշտէիզը:

— Ուրեմն այլևս օրէնք չէք համարում շորս կ'ընունենալ:

— Ո՛չ խան, քեզ դուքբան օրէնքն էլ դուք էք, մեծ մարդարէն էլ և հրամայողն էլ այս բոլակիս կարձակեմ իմ բոլոր կանանց միայն թէ միք սպանել թշուառիս:

— Ահա թէ ինչ է նշանակում մահմեդականութիւնը և քրիստոնէութիւնը, տեսնում էք բէկեր մեր մուշտէիզի սկսեցած կամքն իւր հաւատի վերաբերմամբ, և հայ հոգևորականներին իրանց նկատմամբ:

. . . . .  
. . . . .

վերջ:

ՀՈՅՍ ԵՆ ՏԵՍԵԼ

- 1) Ներքնապէտ Ասլան . սպառուած. . 10 կ.
- 2) Տանուտէր Օհանը . սպառուած. . 15 „
- 3) Թշուառ Սօհան . սպառուած. . 20 „
- 4) Զիրվանի խանը . . . 10 „

Զուտով լոյս կը տեսնի

Տանուտէր Օհանի II տպագրութիւնը.

Հասցիս: Саркису Паньянцу

Баку. Николаевская ул.,

Գումարով գնողներին զիճում կը լինի:

ՀՀ Ազգային գրադարան



NL0323756

22640

1935

307

1

1

10 1/2

Oh